


PAMFLET

682







Sent-brief

W 583

**Vande Generale Staten**  
der geunieerde Nederlandtsche Pro-  
uincien / aen mijn Heere den Prin-  
ce van Chimay Gouverneur van  
Vlaenderen :

Midtsgaders Hoochbailliu, Borghemeesters,  
Schepenen, Raedt, ende Notable der stede  
van Brugghe, ende des Lants vande Vryen.



TOT LEYDEN,  
Ten huysse van Christoffel Plantijn.

M. D. LXXXIIII.

682

8

*[Faint, illegible handwritten text, likely bleed-through from the reverse side of the page.]*



# Doorzuchtighe Hooch=

gheborene, Edele, Weerde, Wijse ende  
seer voorfinnighe Heeren,

**W**e hebben buyt den Rapport ons ghedaen/ by  
den Pensionaris der Stadt van Antwerpen/  
aen V. E. met den Heere van Schoonewalle  
af gheueerdicht/ verstaen de gelegentheit van  
den lande van Vlaenderen/ ende met groote  
droefheit ende leetwesen vernomen/ dat so wel V. E. als  
die vander Stede van Ghendt/ soude in meyninghe sijn te  
commen in eenighe onderhandelinghe ende communicatie/  
oft tractaet met de af gheuallen Prouincien: Ende al  
ist soo dat wy geheel en ganschelijck verhoppen dat V. E.  
met de selue meyninge ende intentie niet en sullen begeren  
voorts te varen/ maer ter contrarien die vander Stede van  
Ghendt met alle moghelicke middelen in dien hebben/ dat  
sy blpuende by henne naburen de ghemeyne Lants vpan-  
den sullen ghedurighe wederstant doen/ ende in een goede  
ende oprechte sake volherden: hebbē nochtans niet willen  
naelaten / midts de groote consequentie ende importantie  
van dese sake/ V. E. seer ernstelick te vermanen ende te bid-  
den/ dat hen belienue wel rypelijck te ouerdenckē ende ouer-  
weghen de dangieren/ swaricheden/ ende onweder cryghe-  
lijcke schaden/ daer inne sy niet alleenlijck hen seluen/maer  
doek henne kinderen ende nacomelinghen sullen brengen/  
by so verre sy niet by tyde af en snyden en beletten de par-  
ticuliere handelingen ende tractaten / daer af wy verstaen  
dat alreede veel te veel is ghesproken: Wy en willen niet  
ontkennen/ maer weten seer wel/ dat na d'oorloge eens ee-  
nen peys verwacht wort/ ende datmē daer na moet trach-  
ten ende aerbeyden / ende besonder datter gheenen soeter  
noch aenghenamer sake en is/ dan den peys ende vrede/ na  
A 2 sool an=



so langhdeurighe endesware inmelantsche Oorloge: maer  
hoe dat den vrede meer ghesocht/ gewenst en begeert wort/  
ende hoe dat den naem van vrede lieffelicker is om hoorzen/  
so veel te meer moetmen toetsien/ datmen niet en wordt be-  
droughen/ en dat onder de soeticheyt gheen venijn gemengt  
en sy/ ghelijck V.E. metter daet beuinden sullē/ dat by dese  
ghemenude onderhandelinghe by de vbandē en henne aen-  
hangeren niet anders gesocht en wordt/ dan (onder t' derel  
van accoordt/ peys ende vrede) de resterende Steden van  
Vlaenderen te onderworpen de slaernye vbandē vbanden/  
niet gheheel verlies ende uytroepinghe vande ware Reli-  
gie/ want na dien men spreekt van te handelen met de af-  
geuallen Prouincien/ is dat niet voor het eerst eenen deck-  
mantel die by den vbanden ghenomen werdt/ om de Ste-  
den van Vlaenderen/ ende goede Borgeren ende innegese-  
tene vande selue te bedrieghen: Na dien de voorl. af geual-  
len Prouincien nergens by den anderen en sijn vergadert/  
t'ware t'staetsghewyse oft anderssins/ ende dat sy also geen-  
lichhaem en hebben/ daer mede men soude conuen hande-  
len/ ghelijck sy oock geen macht en hebben/ om eenige van  
henne eyghen Steden te ontledigen van Garnisoen/ oft in  
eenigher manieren ouer het Crijschvolck/ oft anderssins te  
ghebieiden. Naer sijn subiect den Co. van Spaignien/ ende  
staen ten ghebode vanden Prince van Parma/ dwelck al  
anders was ten tyde vande Pacificatie van Ghendt/ als  
wanneer de Staten met mynen Heere den Prince van  
Oraignen/ ende Staten van Holland ende Zeelant/ de wa-  
penen inde handt namen/ ende verclaerden de Spaignaer-  
den voor vbanden vanden lande/ ende dat also alle de com-  
municatie die ghehouden wordt/ met eenighe die schynen  
te comen upt den name vanden af gheuallen Prouincien/  
als wesende dienaers vande Spaignaerden/ niet anders  
en can verstaen worden/ dan ghehouden te sijn met den  
Spaignaerden seluer/ ghelijckerwijs oock maer een co-  
leur en is de groote ende schoone condicien/ de welcke men  
voor gheeft/ ende meynt dat gheacordeert soude moghen  
worden/



worden/ want is den vpant wel soo listich/ dat hy wel we-  
tende/ dat dickmael de fame ende gheruchte vande aenge-  
name saken/ hoe wel die versiert ende onwarachtich sijn/  
nochtans volcommen effect ende cracht hebben/ om een ge-  
meente te abuseren: Laet de fame uyt gheuen dat die van  
Ghendt ende Brugge seer groote ende schoone conditien  
moghen ghebeuren/ daer af nochtans niet en is/ ende ghee-  
nen sekeren antheur en sal ghenonden worden/ veel min die  
van wegghen de af gheuallen Prouincien de macht hebben-  
de/ ende ghequalificeert wesende/ om hen seluen ende henne  
naburen eenighe goede conditien te gunnen ende te verse-  
keren/ ghesonden wordt. Maer alle dese ghepretendeerde  
onderhandelinge van Peps/ is hercomende vanden vpant/  
die altyt/ oft schoon op den name vande voorsz. Prouincien  
pet ghehandelt werde/ den middel ende authoziteyt sal be-  
houden/ om tot ghelegenen tyde te doene t'ghene dat hem  
belieft/ sonder erghens inne verobligeert te wesen/ allen  
dwelck wel nader sal beuonden wordē/ als men inne siet de  
conditien die voorsz. gheworpen worden/ als namelijck/ dat  
alle de vrendelinghen uyt de landen souden moeten ver-  
trecken/ dat het exercitie vande ghereformeerde Religie sal  
blyuen/ ende dat men gheen ander toelaten en soude/ ten  
ware de af gheuallen Prouincien/ oock in henne Steden  
toelieten het vpx exercitie vande voorsz. ghereformeerde Re-  
ligie/ dat den Gouverneur/ Officiers ende Magistraten  
sullen blyuen/ die tegghenwoozdelijck dienen/ dat de selue  
inde toecomende veranderinghe vande Weesten/ de nieu-  
we Magistraten sullen creeren/ dat de Garnisoenen soude  
ghecommandeert oft beuolen worden/ ghelijck sy nu ter  
tijt ghecommandeert sijn/ dat gheen vande ghebannen oft  
uyt gheweken/ wederomme en sullen moghen comen/  
dan de ghene die niet suspect ghehouden en worden/ ende  
die sulcx specialick sal worden toeghelaten: Want hoe  
wel dat de voorsz. conditien nootelijck sijn/ om niet ter-  
stont te vallen in handen vande vanden: Nochtans soo  
is het absurd/ dat men wilt gheloouen/ dat den Coninck



van Spaignen / deur die van Artops / Henegouw / oft an-  
der af gheuallen Prouincien / de selue conditien / oft gelijcke  
souden begheren te accorderen / veel min willen onderhou-  
den / want om vooz by te gaen alle dander conditien / daer  
by dat den Coninck van Spaignien soude verstaen / dat  
hem syne authoriteyt gheheel ende al benomen werde / en-  
de te spreken alleenlick van het point vande Religie / dunct  
ons vrent ende wonder dat niemant wil gheloouen / dat  
hy sal toelaten / dat in de Steden van Ghendt ende Brug-  
he alleen het exercitie vande gherefoormeerde Religie on-  
derhouden werde / ende is syne meyminghe / ende resolutie  
soo verre verscheyden / dat hy nemmermeer en sal ghedoo-  
ghen / dat de ware Christelike Religie (die nu ter tijt deur  
de ghenade ende barmherticheyt van Godt almachtich  
in dese landen ghepredict wordt) int minsten / int open-  
baer eenighe plaetse hebbe / oft in eenigher manieren ghe-  
exerceert werde / dwelck soo euident ende notoir is / dat  
wy vastelijck betrouwen dat een peghelijck daer af ghe-  
noech is onderricht / besunder de ghene die hebben ghe-  
sien de saecken / die in dese Landen sijn ghepasseert.  
Want behaluen datmen in veertich Jaeren tijts heeft  
ter causen vande waere Religie / ende om de belijdenisse  
van Godts woort met alderhande tormenten verbolcht /  
veriaecht / verworcht / ende leuende ghebrandt / ouer de  
hondert duysent personen: Soo en heeftmen niet soo  
veel onnoosel bloets / noch niet ghenoech versadicht ghe-  
weest. Daer alsoo de Heeren vande Landen inden Ja-  
re sessentsestich hadden ouer ghegheuen hunne ootmoedi-  
ghe Supplicatie / ten eynde by den Coninck daer inne  
soude werden versien: Soo heeftmen alldoen niet open-  
bare Placcaten / het exercitie vande waere gherefoorme-  
de Religie toe ghelaten / soo langhe tot dat de Hertoghin-  
ne van Parma / alldoen Gouvernante haer sterck ghe-  
maect hebbende met Crijschvolck / t selue wederom heeft  
verboden / ende dat den Hertoghe van Alua / in dese Lan-  
den ghesonden / om die gheheelijck de Spaignaerden te  
subin-



subiugieren/ heeft doen verjaeghen/ vermoorden/ leuende  
branden/ ende met alle ongheloozde tormenten veruol-  
ghen/ veel duyfenden vande inghesetene van dese Lan-  
den/ buyt dien sy de ware Religie waren toe ghedaen/ en-  
de volghende de openbare Placcaten/ hen haoden ghe-  
uonden inde Predicatie/ ende de voorsz. ware Christelic-  
ke Religie gheererceert/ ende en hebben de voorsz. open-  
bare Placcaten ende consenten nergheens toe gheholpen/  
Ende onder andere sijn de Graue van Egmont ende van  
Hoorne gheererecuteert gheweest/ ende henne hoofden toe  
meerder schandale op palen ghestelt/ ende daer en tus-  
schen oock in Spaignien ghehouden/ de Heeren Mar-  
quis van Berghen ende Montigny/ die aen den Coninck  
waren ghesonden/ om te verthoonen des Lants ghele-  
ghentheyt/ ende bidden dat daer inne soude worden ver-  
sien: Maer hoe wel den Coninck ende alle andere Heeren/  
ende Princen niet en behooren te beletten de ootmoedighe  
Supplicatie van henne ondersaten/ zoo heeft hy nochtans  
de voorsz. Heeren in Spaignien doen ombrengen/ ende hen-  
ne goederen confisqueren/ violerende niet alleenlick de er-  
pessse Priuilegien vanden Landen/ maer oock t'ghemeen  
recht van alle de Werelt/ ende onder pretert van Pardoe-  
nen heeft ghenoech verclaert/ dat alle de Landen waren  
veruallen van henne Priuilegien/ ghelijck hy dat oock  
metter daet heeft bewesen/ allomme oprechtende Caste-  
len/ ende in alles Ordonnerende ende disponerende naer  
sijn wel gheualle/ sonder de Staten aen te sien/ ghelijck hy  
oock met ghewelt in meyninghe was te werck te stellen  
den thienden penninck/ ten ware hem t'selue ware belet  
gheweest/ midts de oppositie van vele Steden/ ende prin-  
cipalijck vande Princelijcke Stede van Brussel/ die hen  
daer teghen met een mannelijck ghemoet (uytuygende den  
Hertoghe van Alua met Garnisoenen van Spaignaer-  
den inde Stadt was) hebben partye gemaect/ ende voorts  
deur het innemen vande Stadt vanden Briel/ ende compste  
van



van mijnen G. Heere den Prince van Orangien / die vooz  
de tweede repse / met een groote heyreracht int Landt ghe-  
comen wesende / heeft tzedert meer de Staten van Hollādt  
ende Zeelandt / tegen den Coninck van Spaignen d' Oor-  
loghe ghebuert / ter tijt toe Godt almachtich die ghenade  
ende gratie heeft ghegheuen dat de Prouincien t'samen  
deur middel vande Pacificatie van Ghendt / sijn vereenicht  
endet t'samen teghen de Spaignaerden de wapenen heb-  
ben aenghenomen. Ende hoe wel byde vooz. Pacifica-  
tie niet expresselijck en was toeghelaten het exercitie vande  
ghereformeerde Religie / ghelijck anderssins de Landen  
daer by niet en was verboden / daer op te disponeren sulcx  
als sy souden bebinden te behooren / nochtans en heeft den  
Coninck van Spaignen / noch Don Jan van Oostenrijck  
noyt de vooz. Pacificatie willen approberē / dan met con-  
ditie dat daer inne niet begrepen en was teghen de Ca-  
tholijcke Roomsche Religie / ende uyt dien dat het scheen /  
dat de vooz. Pacificatie eenighe vyfheyt was toelaten-  
de / so heeft den Coninck van Spaignen / dooz den Heere  
Don Jan / het accoord / d'welck met de Staten / sonder be-  
willinge van die van Hollandt ende Zeelandt ghemaect  
was doen breken / ende het Casteel van Raemen / ende an-  
dere plaetsen doen innemen / sulcx dat de Staten hen we-  
deromme met den anderen ghevuecht hebbende / sijn be-  
dwonghen gheweest d' Oorloghe te continueren / ende dies  
niettemin hebben alle moghelijke middelen aenghewent  
om te comen tot Peysse ende Vrede. Maer niettegenstaen-  
de de intercessie vande Keyserlijcke Maesteyt / vanden Co-  
ninck van Brancrnyck / ende Engelandt / ende de ootmoe-  
dighe bede de welcke de Staten den Coninck hebben ghe-  
daen en doen doen: So en heeft den Coninck noyt tot pey-  
se willen verstaen / maer ghenoech verclaert dat hy veel  
liener saeghe / alle de Landen comen inde vuyterste rupue /  
dan yet toe te gheuen in saecken vande Religie: In sulcket  
vueghen dat de Staten hen toevlucht hebben moeten ne-  
men aen den Doorzuchtichstē Vorst ende Heere den Hertoghe van



ghe van Anjou / zone van Brancricke ende reynig vordere  
des Coninck. Welcken aengaende / wy V. E. onse meyn-  
ninghe ende intentie hebben doen int langhe te kennen  
gheuen / deur de voorsz. onse Ghedeputeerde / ende de welcke  
oock is verbat inde Instructie by hen ouergheleght / daer  
by niet nieuws en wort versocht / maer t'ghene V. E. sel-  
uer ouer langhe hebben goet gheuondé / ende geresolueert /  
ende byde Stadt van Antwerpen / ende alle de Leden van  
de selue / neffens mijn Heeren d' Edele van Brabant ende  
Stadt van Brussel insghelijc is gheaccoordeert / ghelijck  
blijckt byde Acte hier by gaende. Welcke aenneminghe  
alleene wel behoorde V. E. ghenoech te wesen / om alle uwe  
ghedachten te wenden vanden Coninck van Spaigne die  
hopt sijne ondersaten Peps en heeft willen gheuen : ende  
niet versadicht en is gheweest / met so veel bloets / als hy  
doen storten heeft / ende met so langhduerighe verderffelic-  
ke Oorloghe / ende die alnoch egheen meyninghe en heeft /  
noch en soude connen hebben om ernighe goede condicien  
toe te laten / veel min om die te mainteneren / want dat den  
Coninck van zijnen eyghen wil en deliberatie / geheel vast  
ghesloten ende gheresolueert heeft / dat hy lieuer d'uyterste  
rupne vande Landen sal sien / dan een Jota vande Room-  
sche Religie te veranderen. Daer af connen sijne Raeders-  
heeren ghenoechsaeme ghetuyghenisse gheuen / ende de ef-  
fecten maecten t selue openbaer / ende namelijc / dat hy selfs  
nimmermeer en heeft gheaggreeert noch goet gheuonden  
de Pacificatie van Ghendt / ghelijck dat hier vozen is ghe-  
seght / Ende in teecken van dien / en heeft in egheen ne-  
gotiatien oft Tractaten van Pese / ghesproken vande  
Pacificatie van Ghendt alleene / maer altijt daer by ghe-  
buecht het eeuwich Edict ende de Onie / by vele Edele ende  
ghedeputeerde vande Staten / int beghinsel onder teeckent  
tot bevestinghe vande Roomsche / ende wylsluptinghe van  
de andere Religien. Ende deur den Baroen van Selles / die  
ghevanghen wesende daer af ghetuyghenisse mach gheuen /  
ende daer af euen wel het bescheet noch in wesen is / heeft

B

den



den Coninck voer expreueijck verclaren/ dat hy niet en  
verstont te onderhouden de Pacificatie van Ghende: En-  
de in alle de negotiatien van Peps / ende namelick inde so-  
lemnele vergaderinghe dien aengaende gehouden tot Cuel-  
len/ is ghebleken gheweest dat de dienaers van wegen den  
Coninck ghesonden / niet en waren gheauthorizeert in  
het point vande Religie/ d'welck oock blijft/ by de Procu-  
ratie vanden Hertoghe van Terra Noua/ die ghedruct is  
byde Vredelandinghe van Cuelen/ ghelick oock de In-  
quisitie van Spaignen/ die in ghelycke saken authorizeert  
heeft/ oock ouer den Coninck seluer/ noch syne Lieutenan-  
ten die voor hem d'oorloge bueren/ ende den Paus aenhan-  
ghen/ nemmermeer en soude willen ghedooghen/ dat daer  
teghen ghedaen werde/ ende t'ghene den Coninck niet en  
heeft willen noch connen doen/ de Landen noch wesende  
in hen gheheel/ ende meer machts hebbende/ dan sy tegen-  
woordelick doen/ ende ten tijde als sy alnoch egheenen an-  
deren Heere aenghenomen hadden/ ende deur de inter-  
cessie vande Keyserlycke Maest. Copingen van Branc-  
riick ende Engelandt/ ende in so solennele negotiatien/ en-  
de tractaten van peps: wat apparentie is dat hy t'selue sal  
willen doen/ in regarde vande Stede van Ghendt ende  
Brugghe? sonderlinghe wesende inden staet ghelyck sy  
sijn/ ende oft schoon eenighe goede conditien int pampier  
ghestelt werden/ soo en salmen die niet meer onderhouden/  
dan men ghedaen heeft inden Jaere van seßentsestich/ ende  
veel min/ nae dien den Coninck so vele plaetsen heeft inne-  
ghenomen/ ende door dese Oorloghe/ soo veel middelen om  
hem te verstercken/ ende de Landen te verdrucken/ ende  
seluer de ghebannen ende buytghewekene/ die wel toeshien  
sullen/ dat sy buyt den Tractate niet en worden ghesloten/  
(hoe wel men anders te kennen wilt geuen) sullen haest alle  
de authorizeert ghewonnen hebben/ ende alle dinghen we-  
deromme brengen tot hunne verskerthent/ en verdruckin-  
ge vande ghene die hen verjaecht hebbe/ op den ouden voet  
ghelyck dat in alle innelandtsche Oorloghe (de gebannen  
ende



ende verjaechde wederomme gecomen wesende) is gebleke/  
ende nu ter tijt te meer plaetse heeft/ nae dien so groote me-  
nichte van personen inde voorsz. Steden sijn/ die daer nae  
altijt hebben getracht/ ende hen gheensins met den tegen-  
woordigen staet vande landen te vreden houden/ daer deur-  
men oock gheoorzaect is gheweest Garnisoen inde Steden  
te legghen/ ende hebben V. E. seluer hen ghenootsaect ghe-  
uonden te abandonneren de Stede van Akenen/ om hen  
met meerder Garnisoen te verstercken/ en en ist de commu-  
nicatie oft pretens tractaet van peyse/ niet den middel om  
de goede Stadt van Hyperen te ontfetten/ ende de Lan-  
den met conservatie vande ware Religie/ midtsgaders de  
Privilegien/ oude herkommen ende gerechticheden/ in peys  
ende vrede te stellen/ maer worden ghelycke saecken op  
ghegheuen byde vanden/ om de goede ghemeente te be-  
drieghen/ ende is de ghepretendeerde communicatie rechte  
den werch/ om in verghetinge te stellen/ alle de middelen die  
in eenigher manieren/ tot verlossinghe vande Stadt van  
Hyperen soude moghen dienen/ die int langhe van onsen  
wegen/ so byde ouerghegeuen stucken/ als verbalick by  
de voorsz. ghedeputeerde/ sijn aenghedient/ ende en can by  
alsulcke particuliere handelinge van peyse/ niet anders ge-  
profiteert worden/ dan (met verlies vande ware Christelic-  
ke Religie ende des Landts vryheden) veranderinge van  
Oorloghe/ en in plaetse van dat V. E. nu ter tijt d' Oorloge  
vueren teghen den Spaignaerden/ vrendelinghen ende  
verdruckers vande landen/ om een goede rechtsveerdige sa-  
ke/ sullen daer na moeten de wapenen aennemen/ om een  
onrechtsveerdighe sake/ teghen henne vrienden ende nabue-  
ren/ die alsnoch (daer af Godt almachtich ghedanckt ende  
ghelooft sy) niet en sijn so cleyn van machte noch van ghe-  
moet sy en verhoppen ende betrouwe/ dat sy hunne landen/  
hun ewighen leuen/ vrouwen/ kinderen ende goet wel sullen  
tegen de tyrannie vande Spaignaerden/ en hunne aethan-  
geen beschermen/ en dat hen noch middel noch aliantie en  
sullen gebreken/ om de vreesse vande Oorloge te doen vallen



op henne vbanden/ende en twijfelen oock niet/ by soo verre  
den vbandt int Landt van Waes niet en waer ghebuert/  
by consente vande ghene die t'selue behoorden te beletten/  
ende dat hy aldaer niet opgehouden en werde/ met de aen-  
gheboden handelinghe/en soude daerinne niet hebben ge-  
comen/ veel min so langhe ghebleuen/ tusschen so vele groo-  
te ende machtighe Steden / als zijn Antwerpen/ Ghendt/  
Brugghe ende Vermonde/ ende hebbē D. E. noch de Ste-  
de van Ghendt/ gheen oorsake van vreesse / by soo verre sy  
t'ghemoet hebben van henne voorvaderen/ die om cleyne  
saken dickmael langduerighe oorloghe hebben ghebuert/  
ende het vuyterste verwacht / ende int besonder de Stede  
van Ghent/ oock als sy alle dandere landen ende Steden  
hadden voor vbanden/ die hen nu niet alleenelick vrienden  
sijn/ maer oock presenteren alle moghelicke hulpe ende by-  
stant: Maer het schijnt / datmen (in plaetse van te willen  
stantvastelick volherden/ in een goede ende rechtueerdighe  
sake) wilt Godt almachtich tijt ende mate stellen vande  
verlossinghe vande landen / ende hem worpen in handen  
vande vbanden/ min oft meer/ dan al oft den Coninck van  
Spaignen nu gheheel verandert ware/ wel is waer/ dat  
het hert vande Coninghen ende Princen / is inde handen  
des Heeren/ die t'selue neyght ende keert naer synen wil:  
Maer soude eerst moeten bliicken / dat des Conincx hert  
tot goet verandert ware / daer nu ter contrarien is blij-  
kelick / dat hy in alle de landen en Steden die in syn han-  
den gheuallen sijn/ heeft doen vuytroeden de ware Religie/  
ende dat arger is/ laet de nieuwe in ne ghestelde Bisschop-  
pen (tegen de Priuilegien vande landen) hen authoriteyt/  
doet de kinderen her doopen/ die ghehoude personen her-  
trouwen/ ende generalick en is niemant onder syn ghevelt  
gheseten/ die soude derven int minste verclaren/ dat hy de  
ware Religie is toegedaen: Maer heeft de Afgoderpe meer  
ghevolghs dan sy ont te vozen ghedaen heeft/ ende hebben  
groote menichte vande inneghesetene vande landen ende  
Steden/ die met hen gheaccordeert waren/ veriaecht/ ende  
ettelijck



ettelijck omgebracht/ versmoort ende ghebrant. Ende des  
meer is/ den Coninck van Spaignien/ ende syne dienaers/  
beuechten de Keurb. Doorl. van Cuelen/ om geen saccken  
anders dan byt oorlake vande Religie/ want en is den  
Bisschop van Luydick niet/ die d'Oorloghe in Duytslant  
voert/ maer den Coninck van Spaignien/ die hem de mid-  
delen ende de macht subministreert: Ende heeft den voorl.  
Bisschop van Luydick/ alreede de Inquisitie int lant van  
Luyck inneghebuert/ ende tot Bonne doen ombrenghen/  
verdrincken ende onthallen/ niet alleenlijck diuersche Mi-  
nistres/ maer oock ettelijke Borgheren ende innegheseten  
der ware Religie toegedaen. Ende is wonder dat de gene  
die byemde/ hen niet aengaende/ ende niet subiect wesende/  
beuecht om saken vande Religie/ ende die alle syne landen  
t'samen de Religie niet en heeft willen accorderen/ dat die  
t'selue soude willen doen/ ter contemplatie van twee Ste-  
den alleen. Wy en willen V. E. niet naerder verthoonen/  
wat dangier dat mede brengen de particuliere Tractaten/  
aenghesien V. E. wel connen mercken/ dat de ghene die  
alleene tracteren met eenen machtighen vyandt/ altyt han-  
delen met meerder achterdeel/ ende sijn subiect vele peri-  
clen ende dangieren/ en dies niettemin vallen in tweedracht  
met henne Bontgenoten/ die hen soude moghen dienen tot  
een goet ende seker steunsel/ hulpe ende bystant: Ende bid-  
den ouer sulcx/ dat V. E. in regarde van hen seluen/ ende  
van henne Nabueren ende Bontgenoten/ belieue gheheel  
af te snyden/ oft ommers tydelijck op te houden de ghepre-  
tendeerde communicatie/ ghemerckt de selue niet anders en  
can mede brengen/ dan een generale ende subite verande-  
ringhe enderuyne/ dwelck V. E. wel lichtelick ghewaer  
sullen worden/ acht nemende op den last ende commissie/  
vande ghene (die van weghen den vyant) soude schynen te  
willen handelen/ ende dandere redenen hier vozen verhaelt/  
ende willen V. E. wel verskeren/ dat wy niet meer voor  
gherecommandeert en hebben/ dan t'ghene so wel tot par-  
ticuliere beschermnisse vanden Lande van Vlaenderen/



als generalick/ van alle de ghebnieerde Provincien is die-  
nende/ ende dat wy oner sulcx sullen nemen een goede ende  
eendrachtighe resolutie/ op de poincten in dese vergaderin-  
ghe gheproponeert/ ende uwe E. mede aenghedient / met  
welcke resolutie ende de alliancien / daer af wy ons ghe-  
noech versekert houden/ ende de welcke de vanden vande  
lande met dese nieuwe listighe aenslagen soecken te breken/  
wy desen aen staenden Somer den vrant/ met genoechsa-  
me macht (daer afeen groot deel alreede in t'velt is. t'hoofst  
sullen bieden: Betrouwende dat uwe E. daer op oock in  
allen geualle/ niet naegelaten hebben/ behoorlick te resol-  
ueren/ ende uwe E. Ghedeputeerde alhier wesende/ oft die  
hen belieuen sal te seynden op als ghenoechsamelick te au-  
thoriseren/ alsoo wy oock van daghe tot daghe alhier we-  
deromme verwacht hebben den Heere van Schoonewalle/  
met uwe E. schriftelicke resolutien op alles. Hier mede  
Godt almachtich biddende/

Doorzuchtighe Hoochghebozen/ Edele/ Weerde/Wyse  
ende seer voorszinnighe Heeren/ uwe E. te verleenen syne  
genade ende gratie/ om te mogen delibereren ende sluyten/  
t'ghene tot grootmakinghe van synen name/ ende geluck-  
salighe regeringe/ ende versekerheyt vande Landen is die-  
nende. Wt Delft desen xvij<sup>en</sup> Martij 1584.

E. vander Burcht.

V. E. wel gheaffectionneerde vrienden

De Generale Staten der ghebnieerde Neder-  
landische Provincien.

Ter Oordonnantie vande selue.

Onderteeckent

M. de Hennin.

de  
end  
mo  
Soe  
Ch  
dice  
Sz  
He



Superscriptie.

Doorluchtighe Hoochghebooren Heer / mijn Heer den  
Prince van Chimay Gouverneur van Vlaenderen/  
Edele/ Ertfeste/ Hoochghelerde/ wijse ende discre-  
te Heeren/ Hoochbailliu/ Borghemeesteren/ Sche-  
penen / Raet ende Notable der stede van Brugge/  
ende des landts vande Dypen.

D'extract vande Priuilegie.

Mgne Heeren de Generale Staten der ghesnieder-  
de Nederlantsche prouincien, hebbey gheconsenteert,  
ende consenteren midts desey, Christoffel Plantijn te  
moghen doen Drucken, sekerey Zief by mynen  
Gooznoemden Heeren, gheschreuen aen den Prince van  
Chimay Gouverneur van Vlaenderen, &c. Inter-  
dicerende allen anderen Druckers den seluen naer te  
Drucken. Actum ter Vergaderinge der Gooznoemde  
Heeren, Staten, den xviij<sup>en</sup> Martij M. S. lxxxiiij.

Ter Ordonnantie der selue

M. de Hennin.







